

E pasobra di e pakiconan

Descripcion, material y nificacion di nos bandera


ORANJESTAD—Un bandera nacional ta un simbolo hopi importante pa un pais. Ta su carta di presentacion pa henter mundo. Pesei ora di traha un bandera, no ta haci esaki con cu ta, su tras tin un composicion detaya cu a continuacion ta splica.

Material

Ta depende di e uso di e bandera y tambe di e clima pa traha un bandera di seda, catuna, felpa of nylon. Tambe por tin combinacion di e telanan menciona. Ta usa e telanan aki pa traha un bandera, kier men pa un pais, club social/deportivo, distrito, instancia, hotel, etc.

Color

E color di un bandera ta representa un mensahe cu ta hancra den e protocol di un bandera. E colonan cu ta sa uza den un bandera ta cora, blanco, blou, gel of oraño, berde y preto. Trahamento



cu colonan sea mas cla y seur den algun excepcion ta posibel for di consideracion etico of practico. Colo bruha ta posibel, pero mester por reconoce e y distingui e for di leu.

Format

E format di un bandera por

ta rechthoek of vierkant. E tamañonan standard di bandera cu por usa ta 2x2.32 m; 2x3.33 m; 2x3 m; 1.50x2.25 m; y 2.50x3.80 m.

Den un bandera por tin un of mas emblema. Tin bandera cu caracter historia. Esaki mester ta simpel di forma y colo, cu por ser observa for di leu.

E emblema semper mester keda visibel ora un bandera ta waya.

Nificacion

Segun artikel 2 di e eilandsverordening di 14 di maart 1977, e colonan di e bandera ta como lo siguiente: Blou 'Larkspur', saca for di e British Colour Council Dictionary of Colour Standards, no. 196, yama tambe 'UN Blue'. Gel 'Bunting Yellow' of no. 113 den e diccionario Cora 'Union Jack Red of no. 210

Blanco of no. 1 den e diccionario.

E colo blou di e bandera ta denota e lama inmenso cu ta rondona nos isla y e streya cora ta simbolisa e posicion di Aruba den oceano.

E streya di 4 puntata representa e direccionnan di compas, for di cual direccion hende di diferente pais a bin biba Aruba y a bin forma un comunidad cu ta biba armoniosamente cu otro. Tambe e ta simbolisa e 4 costanan di Aruba cu ta forma un barera natural. Tambe e streya cu su cuater puntanan ta denota e 4 rutanen maritimo y aereo cu tin di haci cu nos economia y demas pilarnan economico, manera comercio y industria.

E streya cora cu ta simbolisa e cariño inmenso di cada ciudadano pa su isla tambe e ta indica e colo di e industria di aña di Aruba cu ta palo di brasil y cochenilla y ta rindi homenahe na e sanger Indio cu a plama den Rooi Frances ora di brinda pa su libertad.

Poesia Profesia sa ser cumpli

Pobresa no ta berguensa
Nos choza ta nos riqueza
Nos a hala Chapi
Pa prudusi cuminda

Moderno a mata nos
custumbr
Pan di maishi rabo
A bira un sorpresa
Y chapi nan a ser dera.

Cunuconan no ta prudusi
Otro a bira tereno pa
deporte
Tera gordo ta despase
Pa gorda hardin di hotel

Mundo ta birando un
robot
Gobierno pa azeta fini,
Placa
Lamenta mal enfluencia
Cu ta destrui hubentud.

O babilonia babilonia
Bo ta cayendo
Tur maldad lo ser destrui
Sodoma, comorah lo ser
kima

Prome el a caba na awa
Di dos e ta cabanda na
Sanger
Di tres candela lo
destruye

Era di Adam
Era di Cristo
Era spiritual.

E profesia ta ser cumpli
Rumor di guera, y guera
Hamber ta pasando
Temblor, horcan y
volcano
Y presto ta sigui destrui

**Autor: Juan C.
Boekhoudt
Moco #7**